

Nhengo dzemutauro weChiShona

PANOPERA CHIDZIDZO UNOTARISIRWA KUNGE WAVA KUGONA

- Kudoma mhando dzenhengo dzemutauro
- Kutsanangura mhando imwe neimwe
- Kuumba zvirevo uchishandisa nhengo dzemutauro weChiShona

Nhengo dzemutauro weChiShona

Mutauro weChiShona une mazwi akasiyana-siyana.

Mamwe emazwi aya ndeanotevera:Mazita, Zvisazitasingwi, Zvidudziramazita zvakaite se:

- Zvirevamwene
- Zvirevauwandu
- Zvipauro
- Zviitopauro
- Zvinan'anuri
- Zviverengo
- Zviratidzi

Zviito, Zvidudzirazviito, Zvindori, ZvibatanidziMazwi aya ndiwo atinoti nhengo dzemutauro weChiShona.

Iye Tapiwa akaenda nemunyai wake kumusha kunoroora musikana wake mutsvuku uye.

Akanobvisa mombe dzese dzaidiwa.

Dzimwe shamwari dzake dziri kufara nekuti sahwira wavo akura.

Ari kugara kwaGutu uko nemudzimai wake.

Ndiye baba vetukomana tunotamba bhora zvikuru kuchikoro.

Ndimba yakapiwa pamusoro ine nhengo dzemutauro weChiShona.

Nhengo dzemutauro weChiShona dzese dzakaumba ndimba yapiwa pamusoro, nhengo idzi dzino:Zita- izwi rinodaizwa kana kutumidzwa chinhu zvisinei kuti chinhu chacho chinobatika here kana kuti hachibatike, chinoonekwa kana kusaonekwa.

Muenzaniso iri mundima;

Tapiwa, kumusha, musikana, mombe.

•Chisazitasingwi

Chinomira kana kushanda panzvimbo yezita.

Muenzaniso wechisazitasingi lye

•Chiito

Izwi rinotuma munhu kana kuudza munhu zvekuita kana kuti atevedzere, chiito chinogonawo kutiratidza zvirikuitwa nemunhu kana chinhu.

Muenaniso: akaenda, kunoroora, kufara, kugara

•Chibatanidzi

Izwi rinoshandiswa kubatanidza zvirevo zviviri, mazwi maviri kana kudarika kuti pave nechirevo chimwe chete.

Muenzaniso: ne-munyai, ne-mudzimai

- Chirevamwene

Izwi rinoratidza mwene kana muridzi wechinhu chinenge chichitaurwa nezvacho.

Sekuti: wake, dzake, wavo

- Chipauro

Izwi rinotsanangudza mamiriro echinhu semuenzaniso mutsvuku

- Chinan'anuri/chisarudzi

Izwi rinoshandiswa kusarudza chaicho chiri kutaurwa nezvacho kubva pane zvinhu zvakawanda.

Sekuti uye

- Chirevauwandu

Izwi rinoratidza uzhinji/uwandu kana ushoma hwezvinhu zviri kutaurwa nezvazvo.
Somuenzaniso: dzese

- Chiverengo

Izwi rinotsanangura, kududzira kana kuverenga chimwe chinhu.

Sekuti; dzimwe

- Chiratidzi

Iri izwi rinoratidza kana kunongedza chinhu.

Muenzaniso : uko

•Chindori

Chinoshandiswa pakunyora chirevo chisina chiito.

Sekuti ndiye mukoma wangu.

•Chiitopauro

Izwi kana chiito chinodudzira kana kutsanangura muiti wechinhu.

Sekuti Tukomana tunotamba bhora

•Chidudzirachiito-

Izwi rinotsanangura zvakawanda pamusoro pechiito chiri kutaurwa nezvacho.

kwaGutu